



LÖSIGSVORSCHLAG

Hüt am Abe uf Bärn ga z Tanzbei schwinge
Äs Bier trinke, luege was dr Abe wot bringe
Lachenis paar schöni Meitschi ah
Das passiert eim haut aus Superrockstar
Si säge so läck gseht dir guet us
Hey dir chömet gar nüm drus

Wüu

Dir sit z Problem u mir si d Lösig Harlekin
Dir sit z Problem u mir si d Lösig Harlekin

Plötzlech weisi nümme wüsse
Aber mir mache ü sitz gar kes Gwüsse
Göh us dr Bar gseh ä Gruppe jungi Männer
Chreftig bout ke Haar ufem Chopf u öbbis am gränne
Eine seit zu mir GANG WÄG SÜSCH CHLEPFTs
Mir nume so häb doch ä chli Respäkt

Wüu

Dir sit z Problem u mir si d Lösig Harlekin
Dir sit z Problem u mir si d Lösig Harlekin

Gwaut isch ke Lösig ha ig ihm fründlech gseit

Bevor är mir het mis Nasebei verheit

HARLEKIN isch wohär dr Wind wäiht
HARLEKIN dr Grund würum sech d Wäut dräit
Wärsch du ä Penner, wäre mir dis Hus
Mir si ds Karussel u du chunnsch nüm drus

Wüu

Dir sit z Problem u mir si d Lösig Harlekin
Dir sit z Problem u mir si d Lösig Harlekin



1. OUGSCHE

Stroffä 1

Chunnt dir i Sinn, das du morn muesch go schaffe u
Chunnt dir i Sinn, das di Garte verdorrt
Chunnt dir i Sinn, das für di nüd gits Lache u
Chunnt dir i Sinn, dases morn räge wot

Refräng

Chum mir gumpe, we mir am keie si
Lanis singe isch ou äs Lied verbi
Mir tanze ohni Bei, ohni Flügu, Vogufrei
Mir mache z Beschte us däm wo mir gar nid hei
Na na na

Stroffä 2

Dänk nid a Himmu, wo Flugzüg zerbräche, nei
Dänk nid as Meer, wones Schiff ungergeit
Dänk nid ä Rose wo spitzig düe stäche, nei
Dänk nid ads Schloss wo einisch verheit

Refräng

Stroffä 3

Vergiss dis Liide, vergiss dini Träne itz
Vergiss für einisch aus böse Bluet
U we die Wäut hie, no hüt afoht brönne de
Chöi mir z mingst säge mir brönne no guet.



ARSCHCHARTE

Refräng

Ziesch du d'Charte Arsch – spiuse aus Trumpf us
Für itz chaute Wasser z keie, bruchsch du sowiso ke Schnuff
We dir niemer hiuft – de bruchsch du ou ke Hiuf
We mir ehrlich si / bi somne Blatt / äs ou ke Roue spiut

Stroffä I

Wie viu – muess mä jammere, bismä de begriefft
Wie viu – düe säch chlammere, are Chöti wo gli riesst
Du bisch genau glich, oh wes itz nid gloubsch
Aus Verlürerer gstartet u gwinsch nur wed loufsch

Refräng

Ho oh oh oh oh x2

Stroffä II

Gib de Angere d'Tschuud, i bi sicher si verdienes
Doch die wahri Schuud, uf die Name riemt säch
I bi genau glich o we mir nid gloubsch
Riis das Chartehuus i, bevors grösser bousch

Bridge

Niemer luegt dir id Charte, äs bringt nüd z warte....(Oooh)
Hör uf die z frage, di Zyt wird cho...Nei si isch da
Nei si isch da ah ah ah

Überrefräng!

HELL BLONDE CHIARA



Intro

Stroffä I.

Diä Gschicht foht ah – woni si troffä ha
ire warme Summernacht
Chaut würend steit si da - ihre name sig Chiara
Ihri Forme si ä Pracht
I ha schüch probiert, Sie het mis Härz entführt, immer wieder riskiert, bis dr Verstang verliert

Post-Stroffä

Äs heisst ... I sig nid dr erst Maa
Sogar Froue, wei öppis vorä ha

Refräng

Bisch mi Anker vom Läbe

Mit dir isch ke Nacht vergäbe (x2)

- 1) Mit dir är Hang fühle ig mi wou
- 2) Ah dine Lippe fühle ig mi wou / **fühle ig mi wou**

Stroffä II. (Refräng drisinge)

Mir hei abgmacht nachem schaffe u am Friti gseh sä oh
Am Samstiabe, ide Ferie, amne Fiirtag odr so
Isches heiss duus, Ihre chaut Gnuess
Hani mängisch zue mir gno
Chas nid verneine, i muess Sie teile
Aber teile macht eim froh

Post Stroffä II.

Brügg (1x / 3x mit Gesang)
O-oho, O-oho, O-oho, O-oho

Refräng

...Fühle ig mi wou

KATER



Stroffä 1

I ha gärn Tier, aber mi Kater mahni nid
Irgendwie bi ig allergisch uf das Viech
Wöu wener bi mir isch – geitz mir gar nid guet
Sis Chatzegjammer geit mir ufe sack – stundelang

Super Musig Teu

I ha scho aus probiert, aber die Moore wirsch nid los
Eismau hane im Waud usgsetzt
Aber ei Wuche später, het är sich wieder i mim Bett breit gmacht
...u är het gschnürrelet.

Refräng x2

I ha wieder Mau ä Kater
Wirdne eifach nid los
Wieder mau ä Kater
Was ha ig fausch gmacht

Stroffä 2

Hane scho usem Fänster gschosse
Acht Mau diräkt ufd Strass, aber das Viech het gloub meh aus siebe Läbe
U i dänke meh, aus siebe Mau chas nid überläbe
Sit letzt Wuche isch das Donnersviech wahrschinläch ou no schwanger...

Refräng x2

Brügg

Ou kater wie schön bisch wieder bi mir
Schüsch wüssti doch nid was ig miech...

Ohni di (mängisch)

Refräng Ray x2

Refräng Wechselgesang x2

KLISCHEE SCHWIIZER



Stroffä 1:

Jede Tag ufstah, pünktläch bi dr Arbeit si, super gueti Arbeit leiste, **schwiizer Qualität**
Mit 30gi scho ä Chrüppu si, gäng am Chef am Arschloch läcke, drfür ä grosse Lohn kassierre
Mir rächne üs us, wie lang mir müesse schaffe, bis mir ändläch 65gi si.

Refräng

Gimmer no chli Schoggi, am liebste Toblerone, immer schön neutrau si, klische Schwizer
Gimmer no chli Schoggi, am liebste Toblerone, immer schön neutrau si, klische Schwizer
Inestäche, umeschlah, düre zieh u abe lah, es chunnt ä Bär, wo chunt är här, was wot är hie, **weiss i doch nid.**

Stroffä 2:

Jede Tag Blick läse, am Stammtisch diskutiere, am Sunnti söus de schöns si, **wot de go spaziere**
Politisch motiviere, am liebste gäng die Lingge, gstudierte, dummi Chinder, si doch eh aues Terroriste
starr uf dini breitling Uhr, zit isch wärtvou, wart bis di dr Tod hout, **bis di dr Tor hout**

Refräng

Überteue

Stroffä 2:

Drü Wuche ferie, sötte eich ou länge, eini fürim Winter u zwe für im Summer
Dr räscht vom Jahr wird gschaffet, im Herbst so depressiv, im Früehlig de so verliebt
Ghöt doch chli gha reise, am liebste grad für immer u bliebet eifach wäg, **wäg vo mir**

Refräng

Abgang

Oh-Oh-Oh-Oh

THOMAS



Stroffä 1:

Dr Thomas ah sich, wär ä geile Siech
Är isch sone Mönsch, wo fasch aues für di miech
Är het nie dräckig Chleider u isch immer guet frisiert
Är würd sich riesig fröie we du gwinsch u är verliert
Är kennt 300 Witze, säch wäg däm no nie schiniert
We är lachtet chasch sicher si, das äs Härz i dir vibriert
U sis Härz schlaht für aui, i wet äs wär mis
Nomination uf sicher, füre FründschaftsNovelPriis

PrätRefräng

Wo-Oh Thomas, aber Thomas, du hesch ä schlächte Ruef
Sit Jahre, ke Erbarme i sim stränge Bruef

Refräng

Jedi Fründschaft geit verbi, dr Bös muess eine si
Aber DANKET wird's eim nid
Bis dir das Bewusst für die Chef – Gwinn, für di Verlus
Weme Kondikteur wird, Kondikteur wird.

Stroffä 2

D'Jeannine isch scho gäng äs Härzigs gsi
Wosi mit mir het tanzet hani ghofft s'geit nie verbi
So nä schöni Frou wo itze näb mir liegt
Mä vergisst aui Sorge, wes z'Morge am Bett git
I kenne sä vo früecher no voder Schueuzit
Doch wasi itze weiss, das geit mir ächli z'wit
Am Mänti Morge zur Buez im Zug, hase wieder gseh
Da hani gmerkt „ou SHIIIT“ i ha kes Billiet!

PrätRefräng

Wo-oh Jeannine, aber Jeannine du hesch so längi Bei
Ir Freiziit, bisch äs geils Shyt, glich go ig mit dir nid hei

Refräng

Jedi Fründschaft geit verbi, dr Bös muess eine si
Aber DANKET wird's eim nid
Bis dir das Bewusst für die Chef – Gwinn, für di Verlus
Weme Kondikteur wird, Kondikteur wird.

NÜT U ZUCKER DRÜBER



Sie isch hie nöi, u i wot sä go bsueche
I bi am bache, ha nid aus füre Chueche
Sie duet uuf, i chas gar nid gloube
Längi Bei u wunderschöni Ouge

Sie seit, doch i cha nüme lose
Ds Härz u z Hirn rütsch mir id Hose
Sie isch vou Mäu, gseht us aus würd si büätznä
Chan'dir häufe, chum inne bi am güätzlä

Fürnes Kaffi, isch d'Wasser haut wichtig
Dr Hanne sprütz, ihres Shirt wird durchsichtig
U mi Beherschig muessmi konzentriere
Sie dräit säch um, cha für nüme garantiere

Refräng

Phaut dr sugar u gimer di Zucker!
Du bisch guet druff u i bi guet drunger
Was du an hesch, das nimmt mi nid wunger
Wöu du bisch süess u ig, i ha Hunger

I go anes Fest z Bärn bi grosse Schanze
Ä Punkerin gsehni dert ume tanze
Si isch ä Hübschi u äs bitzli rattig
Wasi mit dere vorha, macht gar ke Gattig

I go zure, sägere, läck schwingsch du d'Hüfte,
Wet erloubsch I würd dir ds Shirt lüfte
Du hesch Glück, i wäri nächstens hei
Chum mir gö wäg, de simer chli allei

Speed, Hasch – i mach mir fasch chli sorge
Gras, Koks - Ganz verrückti Droge
Sie seit, wosch nid chli Hero de wirsch locker
phaut dr sugar u gimer di Zucker

Refräng

I ga is coop i wäri jo am bache
Schlendre dür gäng u när...dir wärdet lache
Stoglä übernä Coopfrou u äs wird no viu verruckter
Vor aune lüt...(Schlagzügräge)...fragt si mi bruchsch no Zucker

HIPPIE



Refräng

Oh Hippie - das Musigg machsch das isch scho rächt
Oh Hippie - doch di Prostest isch gar nid ächt
Du Hippie - Si mir de au würkläch so schlächt
Oh Hippie - di eget Wäut isch ou nid grächt

Stroffä 1

Wiso duesch du au die Blume id Haa-ar, die wei no gar nid stärb - e
Si möchte wachse, blüie, ja äs isch wahr, u au die Wiese färbe – e
Säg was wosch du mit au dene tier? Was wird de us dr Ärde?
Die Viecher stampfe, wüete ufem Planet, wosch du dä ehrläch gfährde

Refräng

Stroffä 2

Ds Zäutlä gäge Strom het üs gfäut, was wetsch ou schüsch mache
Du hesch ke Job, kes Huus, u ersch rächt ke Gäud, doch im Lager gits gäng z lache
Häb doch äs Härz fürd Kapitaliste wetsch du de mitne tusche
Sie hei ä Job, äs Huus u huere viü Gäud u müesse oune dusche

Refräng

Aui bääge:

NEEEEEEEEEIIII!!!!!!

Bäd-Refräng

OH HIPPIE – ÜBER WAS DU SINGSCH ISCH MIR NID RÄCHT
OH HIPPIE – ISCH DINE EUTRE DE DAS RÄCHT!
OH HIPPIE – DINER GSTRECKTE DROGE SI NID ÄCHT!
OH HIPPIE – U VO DIRE MUSIGG WIRD MIR SCHLÄCHT

RÜEBLICHECHE



Stroffä 1

Lege mir d'Tatsache ufe Tisch
Sie hei di zu däm gmacht wodu hüt bisch
D'Muetter isch wäg, dr Vater ke Job
Was bi dir abgeit isch nid grad flott
Aber hey, äs git doch no viu meh

Refräng

Wo die cha glüklär mache
U di zum Lache bringe
Wo di loht Aues vergässe
U ds Läbe liebe lehre

Chum mir näme di mit u zeige dir, wie schön das ds Läbe doch cha si (x2)
Wie schön das ds Läbe doch cha si (x2)

Stroffä 2

Gsehsch ke Sunne, steisch im Sumpf
Dunkli Wuche u z Wätter uf Sturm
Erstisch fasch, möchtisch eifach schreie
Immer verdrängt, churz vorem dürädräie

Refräg

Stroffä 3

Vertrou üs mir gseh doch di Schmärz
Duesch üs Leid mir flicke dis Härz
Ou nur für churz dir äs Lache schänke
Mir luege nid zue mir wei di ablänke

Refräng

Britschteu

Chum mit üs, wovor hesch du Angst babe
Lah di lo keie, aber gib mir zersch di Hang hei

Refräng

UNSCHETZBAR



Stroffä I

Mängisch frag i mi, liegts äch ah mir – bi ig das alei, nur i ganz alei bi
Dä wosäch ibrockt, stungelang da hockt...imne Ruum ohni Fänster
U mir köre d'Geister, du fragsti ertreiters, fragsch gäng no, chöit dir nomau,
die Wau, isch mir ärnstgmeint egau, wöu ig nid ir Lag bi, sä z'träffe

Refräng (langsam)

I ha viu Schätz – weiss nid wie schetze
Mis Härz wär vou, i wots ersetze

(2x schnäu)

Stroffä II

Egau wie viu Promiu äs brucht um die z ertränke, i gseh di klar vor mir
Würdsch ou ir Mängi stah, muessi gar nid afah, mi vo dir abzläнке
I bi mir nidmau sicher, wirdis dir gönne, wede lachisch, grännisch nöch amne frömde,
aber so, söts si

(Pouse)

Wöu mir langsam klar wird im Bett u im Sang diner Abdrück nümme si

Refräng (2x schnäu)

Bridge

Lad Finger vo mir, i verbrönn mi ah dir
Wirsch glüclächer si frag das niemaus mi (x2)

Refräng

ÄS LETZT MAU ÜBER D'BRÜGG



Refräng

Du nimsch mi ar Hang u när stossisch mi vor Brügg
Gäng! – Gäng!
U Gäng wieder zrügg

Stroffä 1

Z'Eastbourne gits eigentläch gar nid vii z'gseh
Nume Möwe, Steine u die witii See
I ha immer dänkt das d'Höu zersch zuefriert
Bevor mä i däm kaff sis härz mau verliert

Refräng

I säge dir no tschou, i frage no wie geit's
Doch die Täg vo denn, hani hüt vor Brügg keit

Stroffä 2

Wär kennt's nid we eim sis Härz bricht
À tüşchend liebi Frou u näs Mässer wo sticht
Doch für mis het das ihre nid glängt
Sie het mir's nid broche, nei si het's gsprängt

Refräng

Refräng

Stroffä 3

Hütmorge hani mite Gedanke abgmacht
Noch a mi härä gla ud Faue het kracht
Kneblet u Gfesslet, ihri Schue zämentiert
No einisch kontrolliert ob mir niemer zueluegt

Britschteu

Mit'm lache im Gsicht u ufzogne Scheich
gstiflet u versänkt i däm vii z grosse Teich
Frei vo dir dank däm letzte Tritt
probiers no mau u i versänk di mit

2x Spez. Refräng